



بُولس مَكِدْنِيَايِي يُونانِي دَهَةِ إِدِف

## **Buulus Makidoonyaay Yoonaanee deha idif**

01 تربشای تنقدهوب، بولس یامننە دهای دیقۇتىيات إساكىر- ملية أفلاي إسلامىبب إدېت ھەرإ، مەکونىاب إى-

<sup>01</sup> Tiribshaay tingadihoob, Buulus  
y'aamanana dehaay diigwatiyaayt is'akir.  
Malya aflaay isalaamiib idiih har'i,  
Makidoonyaab ibi.

02 بُرُوه هاش هاشی إبَابِيَّهُوب، يامَنَة قُودَات دِيْقُوتَاتَى  
إسِّاکِر- أکھر يۇنان إِ-

<sup>02</sup> Baruuuh haash haashii iibaabiyahoob,  
y'aamanana gwidaat diigwataatee is'ikir.  
Aakhir Yoonaan ibi.

03 بینتوی بولس مهی ترقہ اس۔ سُوریا باب ابھرے مبینی دھای  
ایتمر ھوب، یہودے ایقرمہ قوڈے مقنایت دھای امرنیاک، بُروہ  
مکدوں نیا اسٹلی ماقبرت نیامیت۔

03 Beentooy Buulus mhay tirga is'a.  
Suuriyaab ubhari mabayee dehaay  
iitmarhoob, Yahuudi eegrime gwadi  
maagnaayt dehaay imarneek, baruuh  
Makidoonyaay usalalii m'ageert niyaamiya.

04 بَرِيَّوْه قَبْ سُوبَاتِر بِيرِيَايِيْ اِيكَتِيَّوَه، اُرِيَسْتَار كَوْسُوَه  
سِيَكَوْنَدُو سُوَه تَسَالُونِيَّكَاهِي اِيكَتِيَّنِيْ اِيفِينِ. قَاهِيَس دَرِبِيبِ اِيكَتِيَّه هَن  
قَبْ إِيفِهِ، تَيِّمُوتِيَّه مَلُوب آسيَايِيْ تِيكِيَّكَو سُوَه تَرُوفِيمُوسُوَه هَن  
قَبْ إِيفِينِ.

Makidoonyaay usdahin hiageert myaamnya.  
04 Bariyooh geeb Soobaatir Beeriyaay  
iiktiibwa, Ariistaarkooswa Seekoondooswa  
Tasaaluuniikaay iiktiin iifiin. Gaayoos  
Darbeeblee iiktiib han geeb iifi, Tiimootiiwwa  
maloob Aasyaay Tiikiikooswa  
Tiroofiimuuswa han geeb iifiin.

55 بَرَاسْنَةُ سُورَوْنَ تِرْوَاسَ اُوكِيَاكَ قِيقِيَازِيتَ، بِيَنْتَوِي يِهَقْنَتَهُونَ-

<sup>05</sup> Baraasna suuroon Tirwaas ookiik giigiyaaniit, beentooy yhagitna hoon.

06 ملیہ افیرے اید ایکتے هرإ، فیلی ہوی ابھری قیقتے۔  
ایت پیناتے هرإ، بَرِيَه ترواسیب اسرمات هقتے نمرے۔

<sup>06</sup> Malya ufatiiri iid iiktiyi har'i, Fiilibii hooy ubharii giigna. Ayt yiinaati har'i, bareeh Tirwaaseeb asaramaat hagta nimri.

07 تأسیس ماتیتیت چور اتیب ہداب یہٹے نیکتائی دھای نمَّر ای۔  
بُؤلُس تولہ یتوس قیقے اکای و ہوادے تَرَب اوکیک اودھی  
بِهِلیسَم۔

<sup>07</sup> Tasaramaaatiit gwiraatiib hiddaab yhadhi niikit'ee dehaay nimmararaay. Buulus toolhaytoos giigi akaay whawaadi tarab ookiik oodehay bhaliisami.

08 اوقو امەکۈلۈپ ھۆي نىستاپىب قۇدات لەمبا ھۆي ئېفىن.-

<sup>08</sup> Oogaw umhakwaliib hooy niisit'eeb gwidaat lamba hooy iifin.

09 اُنْمَر اور ایوپیکوس ایدنیب اشیا کے کھی ایسٹا۔ بُولس  
بھلیکی، بین و اُنْمَر اور هناریہ۔ ملیہ دو بیات امہیہ دوری ناتے  
هو قبای ایم۔ شاوے اسٹے بکسانہوں، آئے رہیان۔

<sup>09</sup> Adhami oor Iyootiikoos iidneeb ishibbaaki kehii iist'a. Buulus bhaliyyee, been w'adhami oor han'aariya. Malya diwiyaayt umhaya doorii n'iti hoogiyaay iyhi. Shaawti asa yaksiyaanhoob, aya rhiyaan.

10 بُولس تکویايت ایونتیکو سے کھی کورمیايت اسے یا لیکت یا لیپس کھی داسیايت ملیہ «بآھسینکتہ بڑوہ ڈھنیبو» ادے۔

<sup>10</sup> Buulus tikwiyaayt Iyootikoosi kehii kuuramiyaayt asa y'abikt y'ayees kehii daasiyaayt malya «Baahasiikna baruuh dhhaniib!» idi.

<sup>11</sup> ملیة بولس أسته اوقو ریوبنھوب، هذیب إكتأت قبیون تمیة.  
فچر اوکیک بھلیایت ارى ملیة قیقیة.

<sup>12</sup> أفلان يامننہ وادمے اور یکسیانیت اوقو ڈھنی های این،  
وئیت ارى افرھیان.

<sup>11</sup> Malya Buulus asa oogaw reewiyanhoob, hadhiib ikt'at geeboon tamiya. Fajir ookiik bhaliyyaayt aree malya giigya.

<sup>12</sup> Aflaan y'aamanana w'adhami oor yaksiyaaniit oogaw dhanii haay ibeen, winneet aree afirhiyan.

### ترواسى میلیتوس اوکیک تاپیاب

<sup>13</sup> بولس و هاشی اسوس بیتے ایبابتیب نیاماٹیه بروه بینتوی  
نمریه چلای هن آرو مرگتی سوري ایبابنہ.

<sup>14</sup> بروه اسوسیب بینتوی امرے هون، ملیة گستان ھداب  
میتلن اوکیک قیقتہ.

<sup>15</sup> توپین ٹمیاتیب کیوسے در ایفے مہین ایننہ، تولھیتوس  
أرى ساموس نکتم. توپین توراو ارى آبھری میلیتوس ماری  
قیقتہ.

<sup>16</sup> بولس آسیا ٹودہ دور ایستایت تونة ھرواب کیکے اکای،  
ایفیسوس هسمتے آبھری ایبابتیت یھرو. بروه اورشلیم القدسیب  
بینتیکوستے و اید ایدایت یھرویت وئیت اشقا.

<sup>17</sup> میلیتوسی بولس نکیساتے ایقرمه ایفیسوسیب ایفین  
یلایتیت بروه امیرنہ چلای ولیکسیتہ.

<sup>18</sup> براہ بینتوی اکتمھوب، بروه «آنے هنکه آسیاب یاںت  
قیوکنہ ایفیھوب دایبیت تینہ براکنہ تکتینہ.

<sup>19</sup> یہودے قلے مقنایت ھوسے اداین، افری ھوسے  
سکیانیت اسھسھیب. لاکین اکھو اسناپے شنہ نکس اینتیوہ ملوتیوہ  
شقمانت امترام.

<sup>20</sup> آنے بریکنہ دیمة ادھیس سوري ٹرے اقواینکنہ بھلیھوب،  
بریکنہ اغایتینہ نات هن اکش باکایت تونة تکتینہ.

<sup>21</sup> آنے ایھودہ اجنتیلیوہ توبینہ چلایوہ وأنکونایون یسوا  
آمنینہ چلایوہ سوین.

<sup>22</sup> اورشلیم القدسیب نان دھتے ایکتے تدبیب آنے کاکن. لاکین  
اکھو اسناپے شوک ایکی سناکریت بینتوی قیقے اندے.

<sup>23</sup> مدیناتکنہ شومنھوب، اوسجن دامیت اورشلیم القدسیب  
لهمس اندیت تونة آشوک اتفیقة سوینھیب.

### Tirwaasee Miileetuus ookiik t'iibaab

<sup>13</sup> Buulus whaashii Asoos beeti iibaabtiib niyaamiya. Barooh beentooy nimmariya jillaay hinin aaraw markabtii suurii iibaabna.

<sup>14</sup> Baruuuh Asooseeb beentooy imri hoon, malya kassaan hiddaab Miitliin ookiik giigna.

<sup>15</sup> Tooyiin tumalyaatiib Kiyoosi dar iifi mhiin eena, toolhaytoos aree Saamoos niktim. Tooyiin tooraaw aree ubharii Miileetuus marii giigna.

<sup>16</sup> Buulus Aasyaay gwida door iisit'eet toona harwaab kiiki akaay, Eefeesoos hasameeti ubharii iibaabiyeet yhariw. Baruuuh Oorshaliim Algudseeb Beenteekoosti w'iid iid'eet yhiriwayt winneet ashshigi.

<sup>17</sup> Miileetuusee Buulus tukaniisaati eegrimal Eefeesooseeb iifiin y'eetiit barooh imiirna jillaay waliksiya.

<sup>18</sup> Baraah beentooy iktimnahoob, baruuuh «Ani hanka Aasyaab y'ant geebookna iifiihoob ad'iyeyt teena baraakna tikteenna.

<sup>19</sup> Yahuudi gali maagnaayt hoosi id'iin, afray hoosi sakiyaaniit isehasnaheeb. Laakiin Ukwaasanaayi shanha nakas eeteewwa milooteewwa shagaamant amtarraam.

<sup>20</sup> Ani bareekna diima udehayi suurii tari igawaayeekna bhaliyyahoob, bareekna anf'itniina naat han akish baakaayeet toona tikteenna.

<sup>21</sup> Ani Iyahuudwa Ijintiliwwa tuubeena jillaaywa W'ankwanaayoon Yasuu'a aamaniina jillaaywa sooyan.

<sup>22</sup> Oorshaliim Algudseeb naan deha iikki tindiyeeb ani kaakan. Laakiin Ukwaasanaayi shuuk ibakii sinaakriit beentooy giigi andi.

<sup>23</sup> Madiinaatka shuumanihoob, oosjin daamiit Oorshaliim Algudseeb Ihami andiyeyt toona Aashuuk Itageega sooyeenheeb.

<sup>24</sup> لاكين نان دهه ايكتى تتدبىب وأنكۈنە يسۇا يوهىب أدتايىب  
أشقە فاپسىنىپ اوكيك كەسپىرىنـ. بىن أشقا أرى ئڭواستناي  
نالگۇماناتىءى آسكتە آدابىب اوذهى سۆيىتـ.

<sup>24</sup> Laakiin naan deha iikti tindiyeeb  
W'ankwana Yasuu'a yhiheeb adan'iyeeb  
ushaga faayisaniyeeb ookiik kahasirsan.  
Been ushaga aree Ukwaaasanaay  
n'akwmanaati usakana udaayiib oodehay  
sooyani.

<sup>25</sup> أنى مەين مەھىنيكە قېقىن، بىرىكەن ئڭواستنايىت ھاداپى سۆين  
ھۆكىنـ، لاكىن اونتا شاوتى قال ھن بىرىسۇكەنە رەت كىتدىنەبـ.

<sup>25</sup> Ani mhiin mhiiniika giigan, bareekna  
Ukwaasanaayt had'aayi sooyan hookna,  
laakiin oont'a shaawti gaal han bareesookna  
rhi kitdinaheeb.

<sup>26</sup> Ani amsi bareekna sooyan eefi, shaawti  
bareesookna gaalnaay han ka'araatamaman!

<sup>27</sup> Ukwaaasana hookna yharriiweet toona  
kastooth sooyan hookna.

<sup>28</sup> Igarooyookna gw'adna, Aashuuk Itageega  
y'ayeekna whii d'iyab ikatiyeeb oodehaya  
gw'adna. Ukwaasanaayt kaniisaati shakwaab  
akeena. Tuun batuuh baruuh w'ooriyoos  
booyii haay y'aab ikatiyeeb ooreewu.

<sup>29</sup> Aniib ugiigtı har'ii weer dehay y'iin  
iyadneet toona akteen. Baraah ikaraayiit  
kehookna faraa iyadna.

<sup>30</sup> Udehayiisookna gali ikwiriyaatay kehii  
ansiramtiib yhariwna akaay gwisir hadiideen.

<sup>31</sup> Digwagwna! Mhay hawla oomb'i  
whawaad taamlu eegw'adeeb faayee  
sooyeetookna toona sh'aana.

<sup>29</sup> أنىب أقىقتى ھرإي وير دهى يايىن إيدىنېت تونة ئكتىنـ. براـ  
ئكراـبىت كەـھـۆـكـنـةـ فـرـاـ إـيدـنـتـ.

<sup>30</sup> أـدـھـىـسـوـكـنـةـ قـلـىـ إـکـورـيـاتـىـ كـھـىـ أـنـسـر~مـتـىـبـ يـەـرـونـةـ أـکـايـ  
قـۇـسـرـ ھـەـبـىـدـىـنـ.

<sup>31</sup> دـفـقـۇـنـةـ مـھـىـ ھـولـاـ اـقـمـبـاـ وـھـوـادـ تـامـلـوـ إـيقـوـأـدـىـبـ فـايـ  
سـۆـيـىـتـوـكـنـةـ تـونـةـ شـائـنـةـ.

<sup>32</sup> أـنـىـ اـونـتـاـ ئـڭـواـسـنـايـ قـوـأـدـادـتـىـبـوـ ئـڭـواـسـنـايـ اـبـھـەـلـىـ إـدـاـبـىـوـةـ  
دـهـايـ أـنـاـيـشـ ھـۆـكـنـةـ. تـۇـنـ بـئـۋـوـ أـسـتـ یـڪـسـةـ ھـۆـكـنـةـ تـتـدـىـ، مـىـسـىـ  
اوـدـهـىـ اوـشـبـونـنـايـ قـىـبـ ئـڭـواـسـنـايـ أـرـىـتـ گـۈـسـىـ ھـۆـكـنـةـ  
تـتـدـىــ.

<sup>32</sup> Ani oont'a Ukwaaasanaayt gw'adaadtibwa  
Ukwaasanaayt ibhali idaayiibwa dehaay  
an'iish hookna. Tuun batuuh asa yaksa  
hookna tindi, masi oodehay ooshiboonaay  
geeb Ukwaaasanaayt areet kwasi iiyaw  
hookna tindi.

<sup>33</sup> Ani masi han gaalnaay mhallaq tari  
halaakaab harwaab kaaki.

<sup>34</sup> Ani ugaroooyoowa y'araweeswa haay  
tamsiya jillaay kak w'ayiisi shagaamiyeeb  
baraakna tikteenna.

<sup>35</sup> Kasteeh teena ani ad'yeet, oodehay ootaad  
baabariin kak teeshtimneet toona rhisan  
hookna. W'ankwanaayoon Yasuu'a  
(Oomiyaayika oomiyaawiib gwida dehara  
eefi.) iideeb ibhali sh'aana.» idi.

<sup>33</sup> أـنـىـ مـىـسـىـ ھـنـ قـالـنـايـ مـھـاـقـةـ تـرـ ھـلـاـکـاـبـ ھـرـوـاـبـ کـاـکــ.

<sup>34</sup> أـنـىـ أـقـرـقـىـزـوـةـ يـارـوـيـسـوـهـ هـايـ ئـسـسـيـةـ چـلـاـيـ کـاـکـ وـلـىـسـىـ  
شـقـامـىـتـىـبـ بـرـاـكـنـةـ تـكـتـىـنـةـ.

<sup>35</sup> كـسـتـىـهـ تـىـنـتـهـ أـنـىـ أـدـاـبـىـتـ، اوـدـهـىـ اوـتـادـ باـتـرـىـنـ کـاـکـ  
تـىـشـتـىـمـىـنـىـتـ تـونـنـ رـەـسـنـ ھـۆـكـنـةـ. وـأـنـكـۇـنـاـيـونـ يـسـۇـاـ (اـقـمـيـاـپـىـكـ)  
اوـمـيـاـوـبـ ۋـۇـدـةـ دـەـرـةـ إـنـفـىــ.ـ إـدـىـبـ اـبـھـەـلـىـ شـائـنـةــ.

<sup>36</sup> بـۇـلـۇـسـ اـبـھـەـلـىـ فـاـپـسـيـاـبـ ھـرـ، بـرـىـيـهـ كـسـتـىـهـ إـبـىـهـاـيـتـ نـاـتـىــ.  
إـقـنـقـىـتـ مـلـىـيـةـ سـىـلـەـلـىـيـةـ.

<sup>37</sup> اوـدـهـىـ كـسـوـهـ وـوـاـيـانـ، ھـۆـيـ يـەـلـبـىـتـ فـاـيـانـ.

<sup>36</sup> Buulus ibhali faayisiyaayt har'i, bareeh  
kassee hiiyhaayt n'iti ignaft malya siileeliya.

<sup>37</sup> Uudehay kassuuh wawaawiyaan, hooy  
yhalabniit f'iyan.

<sup>38</sup> بُولس «شاوتي گر هنأهيب.» دىة إيفى أكاي، بَراه وَتَيت  
قَدَبا إيفين. ملينه أفلان تُمرَّكتِيب بَرييُوه قَيْب قِيقان-

<sup>38</sup> Buulus «Shaawti karhitaanaheeb!» diya  
iifi akaay, baraah winneet gadabaa iifiin.  
Malya aflaan tumarkabtiib bariyooh geeb  
giigiyaa.